



致富全書

二






重訂增補陶朱公致富全書卷之二

栽花總錄

灌園一事其畧有十雖云小道百質大方一曰下種核宜排子宜
 帶其法收枝頭乾實懸通風處臨種少晒擇向陽之所以肥土舖
 半將六尖向上排定再以肥土蓋之種蓮實亦如此法予則不然
 須以灰泥合半將子雜拌于中按法撒之乾濕得所為妙二曰分
 插先築肥地以水滲定擇根旁小枝連處截斷次年移之或用木
 鈎將條鈎地以肥土壅之或將猫竹一節劈開納泥于中合縛枝
 上或剪尺許以濕紙包裹及插芋蔔內埋土中置陰處勿令乾即
 活三日接換必須相稱貼大宜高截貼小宜低截對接上下各正
 去半片偶接上下各斜去半片插接截平木根削斜分枝插皮內



合接同種兩枝各削去半邊俱用麻縛篾帮泥封籜裏四圍扞棘以防鳥雀常將水洒更避日色若遇狂風大雨急宜遮護否則不活四曰接楠先記枝之所向將竹刀掘起下勿傷根上勿損葉如前種之再加肥土填滿四邊又以石竹扞定麻皮縛牢以防風搖又以石子鋪面以防泥濺如泥一濺葉即黃腕仍須澆灌得宜謹避風日數日即活或云移栽果不宜在望前則子繁多五曰修補須得意趣去瀝水枝向下者刺身枝向內者駢紐枝連結者凡雜枝多亂者風枝細長者旁枝新發者仍將大枝截去以馬糞和泥糝其潤處或用魚腥水澆之便生苔蘚尤助野趣如欲曲折略割其皮隨意轉摺以棕縛之六曰保護務令適時倘風日相侵寒熱暴至當以布帳遮之或篋籃覆之如遇輕陰細雨澹日和風出架庭中勿令着地恐致根長及引虫蟻盆花之法莫過于此或云花

果已麤當雜種葱蒜若為所觸于上風燒硫黃氣以解之七曰催養須于冬日將樹掘起洗淨勿傷根芽當量樹之老嫩于日中晒數日乾極則洒水復用肥泥拌宿壤種之若天暖澆糞數次亦可但不可晒一面犯則三面無花矣又于元旦子時將斧班駁推之則結子不落澆社酒則子繁又以社日杵百果根則子大八曰却脚每于元旦將火遍照植物上或清明子時將稻草一根縛樹上或種時將大蒜一枚甘草一寸先放根下永无諸虫之患若有蚌眼以硫黃或芫花塞之有蟻窠以香油或羊角引之有蚓穴以鴨糞或灰水澆之九曰貯土須鋤青草以糞澆之煨過再澆如此數次搗碎篩淨揀去博瓦草根收藏缸內安頓日照雨洒處或將黃泥浸腸糞中年餘取出晒乾用之復將炭屑及瓦片浸糞窖中以爲鋪盆用十日澆灌必分早晚早宜肥水澆根其法鋤嫩青草拌

除溝泥同罨缸內久則自然流出清水。澆之晚宜清水洒葉其法
取天落水或河池水置缸內投石子數枚。澄過酒之。若晚間驟雨
切勿令見。恐烈日晒後熱氣蒸花故也。或云如欲催花以馬糞浸
水澆之。數日後開者次日即開。一法于臘月之內掘地埋大缸。
或甕入地三四尺許。積貯濃糞。上蓋以板填土密固。至來春渣滓
俱化。止存清水。名為金汁。凡花草經之。无不向榮。山園必當預辦。

物性土性異同


花蔬俱宜早鋤。而蘿蔔帶露鋤則虫。百穀皆宜人糞。而山藥獨忌
人糞。萬木皆宜向陽。而桑茶杜鵑秋海棠則宜陰處。移竹木俱連
宿土。而牡丹不宜留土。百花木皆畏桐油。蓮花尤甚。而花椒獨沃
桐油。猪糞宜培蒜及諸草木。而橘獨畏之。諸草木根或露之。而瑞
香獨不宜露根。風蘭則懸空而秀。菖蒲則拔心不死。又如桂不宜

帶芽移栽。玫瑰最怕人溺。杜鵑不宜肥地。取黃楊于黑夜。移百木
于雨中。此物性不同然也。百花忌日中澆灌。獨石榴宜澆于烈日
之午。又石榴鬱于東。移橘柚渡江。而化枳。南國牡丹甚茂。而蘋婆
之果絕。无。北方則無荔枝龍眼。枇杷楊梅之類。此土性不同然也。
譬如眾竹心虛。而桃竹之心獨實。萬木實中。而娑蘿之樹。楊心海
棠不香。而昌州者獨馥。治業者必察土性。審物性。因其利而利之。
彼鴟夷三徙。猗頓五特。郭橐種樹。桑弘牧羊。皆緣事制宜。因材揆
理。取其自然之利耳。

山茶

吐血。衄血。腸風下血者。用紅者為末。以童便姜
汁及酒調服。湯火燒燙花研末。麻油調塗之。

有寶珠楊妃瑪瑙各種喜燥。冬春之間俱可移栽。二月接以單葉
接干葉。則花盛。而樹久不宜糞。今人家園圃所植多單葉深紅花
中有黃心者。即寶珠茶。已自難得。白者未之見也。



瑞香急候風用白色花
利水服之立效

有紫白二色紫者香勝。種時剪取嫩條破開。放大麥一粒用亂髮纏之。插入土中。根勿擁好。勿令見日。以婦猪湯澆之。或云左手折下。隨即扞揮。勿換右手。無不活者。又云澆以小便。可殺蚯蚓。大凡香花忌糞。瑞香尤甚。不若擁以頭垢。或用浣衣灰汁為好。但香氣繁烈。能損羣花。世謂之花賊。宜置獨處。張祠部詩云。曾向廬山睡裡聞香風。占斷世間春。竊花莫怕枝頭蝶。驚覺南牕半夜人。又云山中瑞彩一朝出。天下名花獨見知。

紫荆獬犬咬傷用皮為末沙糖調塗留口退腫口中嚼蕉杏仁去毒。瘡疽發背用皮為末酒調。穉生自然搗小不潰。

叢生花陰
乾為未
貼之

叢生花深紫色。二月盡始開。花罷葉出。根旁生枝。分種。性喜肥。與水或與棗棠並植。金紫出映。

珍珠

一名玉屑。葉如金雀。而枝幹長大。三月中開花。花細而白。綴于枝上。緊密如孛婁狀。俗名孛婁花。春初發芽時分栽。張舜民詩云。千璣萬琲照庭除。細雨斜風拂座隅。莫道長官貧似罄。綠階繞砌盡珍珠。

海棠 秋海棠附

花計三種。昌州香海棠難得。西府為上。貼梗次之。垂絲又次之。二月間將貼梗海棠攀枝着地。以肥土壅之。自能生根。來冬截斷。春半移栽。以櫻桃接之。則成垂絲。以棠梨接之。則成西府。以木瓜頭接之。則成白色。欲其鮮盛。于冬至日侵晨。以糟水或酒脚澆根下。復剪去花子。則來年花茂而无葉。或云木瓜花似海棠花。故亦有木瓜海棠。但木瓜花存葉先。海棠花在葉後。為差別耳。別有草本

花部



秋海棠。相傳昔有女子懷人不至。涕泣洒地。遂生此花色似婦面。名斷腸花。性喜陰濕。宜種階砌。謂之海棠者。取其色之相似也。顧東橋詩云。陰葉翠瑤濕。薄英紅粉香。絕憐秋苑下。復爾見春光。陳石亭詩云。露浥秋姿膩。風回宮袂涼。無緣被春色。猶得向秋陽。此花盛于金陵。二公金陵人。故賦詩特工。古人咏花多未及此。

玉蘭


木筆辛溫治五臟身體寒熱久服輕身明目

出馬跡山紫府觀。花開碧白絕無柔條。隆冬結蕾尚未放。葉花落葉從蒂中生。以辛夷並植。秋後接之。澆以糞水。花開最馥。辛夷即木筆也。周孺允詩云。靈卉無根寄別枝。凭欄一笑逞幽姿。形過檐蔔禪林見。氣溢蘭蓀楚客知。鶴寺可令神女降。兔園偏與月華宜。含芳徙倚無人會。憑仗東風細細吹。

牡丹

人家種者唯取散玩其根皮已失本質不能療疾

牡丹世稱花王。事物紀原云。唐武后冬月遣詔遊後苑。百花俱闕。而牡丹獨遲。遂貶于洛陽。故洛陽花為天下冠。宜秋社前。或秋分後。緩去宿土。勿傷細根。隨坐壇內。用土輕覆。即以雨水或河水澆之。滿壇方止。俟次日土乾。低門壟滿。復澆如初。和土白蠶未能煞。諸虫。每花一本。用末一斤。或云牡丹中秋生日。移栽必旺。須直其根。屈之則死。此栽花之法也。種子則于六月收枝間黑子。風眼一日。盛以濕土。八月以水試之。取沉者。畔種約三寸一枚。來年芽長。次年八月可移種。性畏日炙。夏月須用葦箔遮之。此種花之法也。分花須揀裸大枝多者。八九月間全根掘出。視可分處。用手劈開。以小麥一掬拌土。栽如前法。此分花之法也。接花亦宜秋社前後。將本枝及分枝各斜削去半。合如一枝。用麻縛定。調泥塗之。以兩瓦固合。內填細泥。待來春去瓦。隨以艸蓆圍之。或揀芍藥根肥大。



如蘿蔔者。削尖如馬耳。將牡丹枝劈開如燕尾。挿下縛定以肥泥培之。卽活。或云立春如遇子日。于茄根上接牡丹花。不出一月卽爛。爛此接花之法也。澆花亦有候。八九月旬日一澆。宜雨水。立冬後五日一澆。宜糞水。十一月後搜鬆根土。以宿糞澆一次。或二次。餘宜河水。冬末地凍。春分花發。夏際天炎。俱不可澆。七之則花開不齊。且多損根鬚。或遇旱。清晨以河水澆之。勿濕其枝葉。一云牡丹芍藥俱可酒澆。此澆花之法也。培養須八九月時壅土二寸。三年以內。春夏風日。覆以帳幕。秋冬霜雪。障以棘枝。花未放。去其小蕊。謂之打剝。花纔落。剪其故枝。勿傷花床。又于冬至日以鐘乳粉和疏黃少許。置根下。或撥開花根。以水中苔衣壅之。則來春花盛。此壅花之法也。折枝挿餅。先燒斷處。鎔蠟封之。可浸數日不萎。或用密養芍藥亦然。如已萎者。剪去下截爛處。用竹架起于水缸中。

浸其枝梗。一夕復鮮。此養花之法也。花所畏忌如香麝油漆。種葱蒜。蒞薤以辟之。土蚕木蠹。填曰斂。疏黃以殺之。孝子孕婦庸僧。狼尾所剪。折設絕交。論以防之。此醫花之法也。九月取角周疏黃。碾如麵。拌細土。挑動花根。壅入土一寸。出土三寸。地脉既煖。立春漸有花蕾。卽搯去。唯留中心一蕊。氣聚則本肥。開時花大如碗。一云以白木放根下。諸般顏色。悉是腰金。則又幻花之法也。語云。弄花一年。看花十日。何可不珍惜哉。白樂天詩云。明朝風起應吹盡。夜恤衰紅把火看。別有草木纏枝。牡丹纏縛屏籬間。亦有雅趣。牡丹花種數最繁。不能備載。今姑錄其最著者五十餘種。

姚黃 金腰帶 愛雲黃 黃氣毬 甘草黃 禁苑黃

御衣黃 狀元紅 朱砂紅 大紅剪絨紅綉毬 西瓜穰

映日紅 錦袍紅 石家紅 醉胭脂 壽春紅 醉仙桃

美人紅 海天紅 赤玉盤 鶴頂紅 胭脂樓 雙頭紅
 玉樓春 醉楊妃 醉西施 粉霞 輕羅紅 粉綉毬
 嬌紅 觀音面 政和春 魏紫 紫綉毬 朝天紫
 乾道紫 葛巾紫 腰金紫 紫仙姑 烟籠紫 潑墨
 無瑕玉 玉綉毬 羊脂玉 白剪絨 玉天仙 水晶毬
 玉版白 一捻紅 玉帶腰 青心白 佛頭青 綠邊白

曰舞青猊

杜鵑 川鵲附

花極爛熳。以杜鵑啼時開。故名。長止尺許。先花後葉。性喜陰畏熱。用山泥揀去粗石。羊屎浸水澆之。更置樹下陰處。則花葉青茂。春鵲長尺許。枝幹盤圓五六臺者。石岩先葉後花。其色丹如血。川鵲一名嬋娟。因花之相似。人皆誤呼為杜鵑。然實非也。

繡球 八仙附

繡球花。藤生。初青後白。與牡丹同時開。又一種花小而葉繁者。謂之麻葉綉球。開亦同時。又八仙花。祇八莖簇成一朶。接法。先將八仙梗離根約七八寸。刮去半邊皮。將綉球枝亦刮去半邊。用麻縛定。頻七澆水。俟其皮連截斷。次年開花甚茂。眉公秘笈云。蜀中有紫綉球。

桂 今人家所栽者。乃木樨。非真桂。不可入。桂藥。同麻油蒸熟。可潤髮及作面脂。

丹桂子 治小兒 日後日 頭瘡研 碎敷之

凡三種。唯深黃者。花繁而香尤烈。倍呼為球子木樨。早開為蚤黃。有結子者。子如青蓮子。核甚大。不發者。余在閩省。目覩法于初夏。攀枝着地。以土壓之。逾年截斷。倉蓋移截。灌以猪糞。壅以蚕沙。如蛙損。取芝麻梗懸之樹間。能殺諸虫。汝南團史云。木樨接石榴。其花必紅。即丹桂也。古詩云。月官移就日官栽。引得輕紅入面來。好



向烟霄。承雨露。丹心一點為君開。又云秋入幽岩。桂影團。香深粟
粟照林丹。應隨王母瑤池宴。染得朝霞下。廣寒別有草本一種。名
水木樨。春間分種。花色如蜜。香味不減。月桂一種。別名月季。
倍呼月桂。韓魏公詩云。牡丹殊絕委逢風。露菊蕭疎怨晚叢。何
似此花榮艷足。四時常放淺深紅。花謝時摘去其蒂。亦如鳳仙花
發無已。葉被虫蝕。以魚腥水澆之。

蠟梅 花食之解暑生津。皮浸水磨墨有光彩。

本非梅類。因其與梅同時。而香又相近。色似蜜蠟。故名。凡三種。根
旁自生。不經接者。花小香淡。俗呼狗蠅梅。或作九英。以其花九瓣
故也。經接而花疎。開時常半含者。名磬口梅。色深黃如紫檀花。簇
香濃者。名檀香梅。又名荷花梅。此品最佳。結實如垂鈴。俟熟採取。
試沉者種之。浣花雜誌云。蠟梅不宜接。單宜過枝。以狗蠅小本栽

大本邊攀其枝。用麻皮縛緊。候皮相粘。下截蠟梅。上去狗蠅。便成
佳木。春分移栽。澆糞水。吳地花開時。無葉。七盛則花已盡矣。東粵
葉落始開。峽中地煖。花開而葉不落。豈風土不同。而草木亦因之
以異耶。

薇花

薇花四種。紫色之外。有紅者。有白者。曰銀薇。又有紫帶藍色者。曰
翠薇。搔其膚。枝葉搖動。又名怕癢樹。四月開花。九月歇。倍名百日
紅。山園植之。亦可作耐久朋也。

茉莉 取根酒磨一斗服之。昏迷一日。二寸二日。三寸三日。今醫生用此接骨。則不知痛。

此花產于煖地。性極畏寒。見春風即枯。南風尤忌。江奎詩云。雖无
艷態驚群目。幸有清香壓九秋。應是仙娥宴歸去。醉來桌上玉搔
頭。種法先除去盆底礮糠。易以新泥。剪去枯枝老葉。其旁爰插小



竹澆以米泔水。或燻猪湯。六月六日以魚腥水澆之。霜降以後。移至南窗下。若太乾燥。微濕其根。或于向陽屋內。掘一淺坑。將盆埋下。以篾籠罩口。泥實其旁。勿使通氣。或以棉花子覆根半尺。仍置篾籠。用紙封密。數日一開。畧澆冷茶。穀雨方可開戶。立夏方可出戶。藏宜以漸而密。出亦以漸而敞。有如乍寒而遽重裘。微暄便袒。裼其為中寒之症也。必不輕矣。俟芽長。始用糞。次年起根。換土另栽。若要扦插。于梅雨時。從節折斷。揀肥地。即活。如扦插香法。聞廣人家悉知之。又法。秋後收取殘枝。開畦別種。結芽為棚。可以蔽其風雪。遇有日色。開簾晒之。畜鴨于頭。夜宿其下。花根襲煖。糞復壅之。來年花發。其息十倍。

玫瑰

花類薔薇。而色紫艷麗。韻郁真音。葩也。正月杪。二月初。分栽。壅以

溝泥。大凡花木不宜常分。獨此花嫩條新發。勿令久存。移別地。則茂俗呼為離娘草。若根本太肥。反致憔悴矣。眉公秘笈云。天台有白色者。燕中有黃色者。

合歡 肺癰吐濁。涎夜合皮一掌。大小水三升。煮取一半。分二服。葉洗衣垢易去。

一名夜合。植之庭除。間令人不忿。稽康云。合歡觸忿。萱草忘憂。樹似梧桐。枝甚弱。葉似阜茨。細而繁。互相交連。其葉至暮而合。故名。五月開花。土半白。下半肉紅。散垂如絲。為花之異品。冬月分栽。

郁李 皮膚血汗用郁李仁去皮。研一錢。搗鵝梨汁調服。

一名喜梅。千葉。繁花有純紅。純白。粉紅。各種。結子如茨。實微酸。春間移栽。高燥處。又名郁李。

山礬 用葉三十斤。同老姜三片。浸水蒸。熱洗風乾。爛眼。其子熟則可食。

出杭州西山。葉生不對節。凌冬不凋。正月開白花。細而繁。香甚烈。



俗名七里香黃山谷水仙賦云山礬是弟梅是兄

甘州枸杞婦人陰腫或生瘡枸杞根煎湯頓洗目
示生翳枸杞子搗汁日點三五次神效

花紫色清晨澆水則子不落春間分種長至半尺時摘去其頭

芙蓉瘡疽發背乳癰惡瘡已成未成用葉或根皮或
花生研密調塗于癰四圍中間留頭乾則頻換

純紅者先開淡紅與白者次之醉芙蓉朝紅暮白花極早與紅者
同開冬初剪去嫩條截作一尺掘坑埋之即以土掩來春于池塘
四圍將水釘打穴填糞令滿然後挿入土露寸許遮以爛草方易
活王介甫絕句云水邊無數木芙蓉露滴胭脂色未濃正似美人
初醉着強擡清鏡照粧慵白芙蓉葉霜降後收之陰乾為末可合
圍藥

白菱紫藤作煎如糖
服之下水瘡病

花如千瓣十花葉如梔子一枝一花葉比花朵七八月間花色如

至○紫藤春間取根土小枝分種蔓長附于喬木花紫色垂條縹
約可人

紫丁香結香附

有紫白二種花如丁香而小春間碎根上小枝栽活來年分種
結香花色鵝黃比瑞香稍長花謝葉生昂最賤而性喜清陰春間
取根下小枝分栽即活不宜糞


虎刺

杭之蕭山者佳宜陰濕地春初分種四月間開細白花四出花
開時子猶在樹花落又結子至冬紅如丹砂遇霜雪不萎

西河柳腹中痞積用西河柳煎湯露一
宿五更空心飲數次痞自消

一名觀音柳一名垂絲柳又謂之檉柳小幹弱枝挿地即活葉細
如絲猗娜可愛花穗長三四寸水紅色如蓼花之狀其花遇雨即

酒多致
病用此
柳晒乾
為末每
服一錢
溫酒調



開宜植之水邊

凌霄花

婦人血崩以花為末每酒服二錢後再服四物湯。耳卒聾閉取葉搗自然汁滴之

蔓生附着高樹黃梅時扞或冬月分種花金黃色花間露水能傷目孕婦尤當遠避

金絲桃

金梅附

金絲桃高二三尺五月初開花。花六出中有長鬚花瓣大於桃狀如桃花但色黃耳春分時候分栽又一種似梅者名金梅其花差小比金桃更勝

夾竹桃

其性治臉與鳳仙略同

夏間開淡紅花一朶數十葉至秋深猶有之謂之夾竹桃者以其花似桃葉似竹也性惡濕畏寒宜于向陽處肥土栽之冬初取置室中否則凍死唐荆川詩云桃竹舊傳生碧海竹蘭今見映朱闌

春至芬香能共遠秋來花葉不同殘疎英灼灼分叢發密蕊菲菲對節攢不信于年將結子錯疑竹實待耐鴛

柳穿魚

葩甚細色微紅謂之柳穿魚者以其枝似柳而花似魚也喜陰燥

天竹

人家栽之可辟火災


四五月間開細白花至秋結子成穗色紅如丹沙性喜陰用山黃泥種背陰處不宜糞澆

迎春

腫毒惡瘡用葉陰乾研末酒服二三錢出汗便瘥

春初開花一枝三葉花淡黃色花放時移栽以退牲水澆之。金雀葉如槐而有小刺二月盡始花有色亦黃其葉如爵嫩時採下用沸湯煉過輕醃醃之焙乾點茶甘香可口

棣棠



叢生三月開花如小菊色深黃遇風雨卽凋以發條時分栽或春分在嫩枝扞于肥地卽活

薔薇刺藤附

藤生青莖多刺立春時折當年枝條挿肥地卽活浣花雜誌云壓枝爲上扞枝次之潮泥易發黃泥次之如生虫以頭銀爐灰撒之紅花則有金沙寶相刺紅紫玫瑰五色薔薇等又有金櫻子佛見笑等皆薔薇類也又有黃者格韻尤高刺藤葉細多刺四月中開花粉紅色亦有白者皮曰休之舟詩所謂淺深還看白薔薇者蓋指野薔薇耳生水邊香更濃郁拌茶煎服可驅瘧鬼

十姊妹 七姊妹附

花小而一蓓十花故名有紅紫白淡紫四色正月移栽八九月打插又有七朵一蓓者名爲七姊妹似薔薇而小孟載詩云紅羅開


結同心小七葉參差弄春晚盡是東風兒女魂蛾眉一樣青螺掃三妹娉婷四妹嬌綠窻虛度可憐宵八姨秦虢休相妒腸斷江東大小喬

酴醾木香附

酴醾一名雪海墩多刺四月初開花古詩云開到酴醾花事了種法拔條入土壅泥月餘俟其枝長剪斷移栽○木香開花同時種法亦同紫心白花者爲最青心白木香皆不及也

錦帶

三月開花形如銅鈴內白外粉紅亦有深紅者一樹常二色姑蘇志云長枝密花如錦帶王禹偁云海棠爲花中仙此花品在海棠之上宜名海仙詩云何年移植在仙家一簇尖條綴彩霞錦帶爲名卑且俗爲君題識海仙花花極嬌麗惜乎不香古詩云春憎窈



宛教無子天為妖燒不與香秋分後剪枝插土即活春分移栽

佛桑 瘡疽腫用花或葉同白芙蓉葉及牛旁葉白宿研膏敷之即効

木槿別種葉類桑花如牡丹而尤紅有淡紅淡黃者有單瓣重瓣者海槿餘錄云佛桑花枝葉類江南槿樹花類中州芍藥而輕柔過之開時當二三月五色婀娜可愛今吳地亦有此花自南方移來但易凍死藏法與茉莉同

芭蕉

芭蕉花實兩廣極多他處偶見遂為奇貨種法將至霜降即用稻草覆之來春芽發時分取小根用油簪腳橫刺二眼終不長大可作盆玩

菖蒲

重風人耳菖蒲末炒熟袋盛作枕即出飛絲入日石蒲搥碎左目塞右鼻右目塞左鼻即愈

菖蒲九節仙家所珍其種有六曰金錢牛頂臺蒲劍脊虎鬚香首

其性見石則細見土則粗夏初竹剪修淨細沙壅種深水蓄之不令見日秋初再剪勿染塵垢及犯汕膩霜降收藏以缸蓋之春未始開務避風霜年久不分漸成細密矣若石上蒲尤宜洗根澆以雨水勿見風烟夜移就露日出即收如患葉黃壅以鼠糞或蝙蝠糞用水綿之若欲其直以酒裊筋頭每朝持之或云四月十四菖蒲生曰宜修剪根葉覆以疎簾微襲日暖則青翠易生尤堪清目蘇子瞻云無鼻何由識簷蜀有花今始信菖蒲古有四季訣云春遲出春分夏不惜須剪二次秋水深深水冬藏密更避寒霜又有總訣云添水不換水添水取其鮮見天不見日見天法兩露宜剪不宜分去細而短分浸根不浸葉浸根則潤良法具備矣煩則相稀

千年蓋

一名萬年青葉潤叢生深綠色冬夏不枯吳中家家植之以盛衰



占休咎造房者連根葉置頂上以為祥瑞結婚聘幣者剪絞絹肖其形與吉祥草及葱松四色並列盆中種法于春秋二分時分栽瓦盆置背陰處四月四日俗傳神仙生日剛剪舊葉擲之通衢令人踐踏則新葉發生盛則再分喜加肥土澆用冷茶

吉祥草 家居植之有花則為吉祥

葉如漳蘭四時青翠不凋夏開紫花成穗王元章詩云得名良不惡滿洒在山房生意無休息存心固久長風霜徒自老蜂蝶為誰忙歲晚何人問山空莫雨荒

翠雲草


翠雲草止可供玩而無香非芸草也其根遇土即生見日則消性好陰栽于虎刺芭蕉秋海棠之下極有雅趣

金線草

金線草俗名重陽柳草類莖紅葉圓重陽時發枝條生紅花附于枝上雁山志云即蟹殼草葉圓如蟹殼節間有紅線長尺許或生岩石上與井池邊性寒能治湯火瘡

蘭花 建蘭 祝蘭 興蘭 風蘭 簞蘭 真珠蘭 寶蘭

花有數種一曰建蘭莖葉肥大翠勁可愛若葉生斑點開之蘭融用魚腥水洒之二曰杭蘭取大梁種以黃土用羊鹿糞澆之三曰興蘭又名九節蘭花有餘香不足蕙蘭亦然一幹一花為蘭開在冬初之交一幹數花為蕙開在春末夏初四曰風蘭幹短勁花黃白不用沙土取竹籃貯之懸于有露處或盛以蔽髻用頭髮襯之五曰簞蘭其葉如簞似蘭無香六曰真珠蘭其花色紫蓓蕾如珠又名魚子蘭宜濕喜陰二月取出五日一澆別有一種名賽蘭者佛家謂之伊蘭樹如茉莉花如金粟好事者易名金粟蘭殆非蘭



種亦猶蠟梅之於梅花也相傳培蘭四戒曰春不出宜避春夏不

日遊炎日秋不乾宜常冬不濕宜栽地中不種法梅雨後取出土

之火煨過搥碎俟九月終挑起舊本刪去老根分種盆內糝泥壅

之長滿復分三歲為度蘭性畏寒暑尤忌塵埃葉中有塵當即洗

去又忌春雪著點即枯須以竹籃罩盆計日轉晒風雪既却日色

復勻迨至花發周圍如一澆用雨水河水或皮屑魚腥水須四畔

勻灌葉黃但以清茶澆之斷斷乎不可用者井水也黃山谷云培

以沙土則茂沃以茗汁則芳或云盆須水壺可隔蟻蟻分宜毀盆

不傷花根最為得之李延平訣曰正月相宜置坎方黎明相對接

陽光更須避冷藏簷內勿使春風雪打傷○二月栽培更是難須

愁葉變鵝鴝班庭前移進還移出惜葉猶如惜玉環○三月新條

出售叢雨多切忌向西風隄防濕處多生蝨根下猶嫌着糞同

春風何况他境糞宜全戒豈但嫌濃○四月盆泥日晒焦微微着水灌根苗先須皮

浸河池水煎返濃茶亦可澆○五月新條葉更青綠陰深處架高

繁須防蟻穴根窠下老葉凋殘盡剪驚○六月驕陽驟雨加芬芳

枝葉正開花涼亭水閣堪安頓否則簷前作架遮○七月雖然暑

漸消更須三日一翻澆却防蜚蚋傷根本肥水還令和溺調○八

月之時稍覺涼任他風日也何妨經年污水尤為妙却用雞毛浸

水良○九月之時有薄霜墻前南向好安藏若生白蟻兼黃蟻葉

洒清油定不妨○十月陽生暖氣回來年花笋已胚胎玉根不露

須培土盆滿猶宜急換栽○子月庭中宜向陽夜間須用密收藏

長教上向生微濕乾燥須知葉要黃○臘月風高霜雪寒漸收暖

閣避風鎖直須解凍春前動移向庭前對日看

菊花 惟甘菊
療疾最良

女醫心書 卷之二 草部

七



菊性喜陰而種陰處又不發菊性喜濕而有積水又枯稿其法有
九一曰養胎冬初菊殘折去枝葉掘地作潭埋根其內糝以新泥
澆糞數次菊本既壯春苗乃發二曰傳種凡遇奇種用朽木鑽眼
揮秧其上浮之水缸俟其生根移栽陰地或泥九埋之土中中依
法澆灌數日即活若得接木須于花後將枝按下橫埋肥土每近
節處自然生苗收其中幹花本不變三曰扶植倒鬆肥土加以濃
糞堆土令高移花種之仍覆碎瓦以防泥濺蒔苗既活扶以小竹
四曰修葺仲春取老根淨去宿土雨過分之土不宜肥肥則癭頭
仍以箔覆勿經日色清晨水澆謂之分秧分秧後俟高數寸摘去
其頭令生岐枝繁者勿剛多存以備蟲傷長及一寸用籃蓋覆月
覆九日有出籃者則撥其腦秋分方止夜去其籃出以承露花開
平齊謂之摘頭頭既摘葉間生眼亦須搯去勿使奪力謂之搯眼


菊花貴少枝留一莖拂去細莖氣力既併花開倍大謂之剔莖五
曰培護菊雖傲霜實則畏之俟莖未開移至宇下根縛紙條就盆
引水根潤花滿可翫月餘若有黃葉以垂汁澆根則青茂如故六
曰幻弄先於春初擇取老艾剪其枝葉故土培之接以諸菊將本
土封固接頭俟其枝茂然後去之秋深花開各依本色或于九月
收霜貯瓶埋之土中菊有含蕊調色點之透變各色或取黃白二
菊各披半邊用麻紫合則開花半白半黃如欲催花先將龍眼殼
單菊蓋上隔夜澆硫黃水次早去殼花即大開七日土宜須擇好
土大糞酵三次收之室中春初出晒搜去蟲蟻蒸羅既淨以俟登
盆之需遇雨根露覆以餘土不使根爛八曰澆灌春用蚕沙夏用
毛水立秋後酌用糞水初次糞一水三二次水倍之三次糞水相
半花蕾既結始用純糞九曰除害夏至前後有黑色蟲名曰菊虎

又名菊牛宜于早間及巳午未三時誘殺之如被嚙傷此葉偏垂
 急摘去之庶免毒攻致生秋蟲又有傷根者曰蚯蚓以石灰水灌
 河水解之瘡頭者曰菊蟻以蠶甲置旁引出棄之瘡枝者曰黑蚱
 以麻髮筋頭輕搗去之賊葉者曰象幹蟲以鐵線磨鋒尋穴殺之
 菊有粗葉細葉不同粗葉如七色鶴翎狀元紅狀元紫福州紫酒
 金香倚蘭嬌羅傘紫袍芙蓉紋絲鎖口佛頭二喬金菊之類最愛
 肥濃除六月外間三四日一澆愈肥愈盛細葉如飛金剪茸大小
 攢花翦綃銀薇牡丹蘇桃繡毬嫦娥獅蠻撮頭等類只可在初種
 時用淡糞水澆一二次稍以濃肥者灌之反致腐敗至于月下蠟
 辦葡萄西施四種切不可見糞一澆即葉大頭龍消之無益矣尤
 當辨之按菊譜有品第說或問菊奚先曰先色與香而後能曰然
 則色奚先曰黃黃者中央之色易曰黃中通理詩曰綠衣黃裳土

旺季月而菊以九月花金上之應相生而相得者也其次莫若白
 西方金氣之應菊以秋開則於氣為應鍾焉紫為白之變而紅又
 紫之變也紫為白之次而紅又紫之次也有色矣而後有香有香
 矣而後有態是為花之尤著也或又曰花以艷媚為悅而子以態
 為後歟曰吾嘗聞諸古人矣妍卉凡花為小人而松竹蘭菊為君
 子安有君子而以態為悅歟若有香有色而又有態是君子而有
 威儀也又嘗聞昔之譜菊者每稱勝為最勝故在也擬之金鶴翎
 非其所彷彿耶抑見愛者衆而逞詭獻奇耶班志有曰小說家流
 千三百八十三篇蓋出於押官道塗之說也

芍藥 婦人赤白帶下取白
 芍藥 少炒黑研末酒服之

洛陽牡丹廣陵芍藥古來並傳故芍藥亦號花相治花之法八九
 月時悉出其根滌以甘泉隨用竹刀剖開剝去老腐先將猪糞和



泥分種向陽處然分不欲數數則花小種不欲深深則花衰種後培以雞糞渥以黃酒則花能改色開時扶以竹篠則花不傾倒有雨遮以葦箔則花堪耐久花既委落亟剪其子屈盤根條使不離散則脉氣皆歸于根明年花繁而色潤芍藥之名雖減于牡丹然總計之豈下數十種亦載其最著者

- | | | | | | |
|-----|-----|-----|-----|-----|-----|
| 御衣黃 | 御愛黃 | 青苗黃 | 尹家黃 | 鮑家黃 | 硤石黃 |
| 道士黃 | 黃樓子 | 縷金囊 | 爐鵝黃 | 紅都勝 | 霓裳紅 |
| 紅樓子 | 二色紅 | 髻子紅 | 緋頭紅 | 冠羣芳 | 簇紅絲 |
| 畫天工 | 醉嬌紅 | 怨春妝 | 寶妝成 | 紫都勝 | 包金紫 |
| 玉盤盃 | 玉逍遙 | 玉版顯 | 玉冠子 | 玉樓子 | 収次妝 |
| 金繫腰 | 金帶圍 | 合歡芳 | | | |


水仙根治癰腫及魚骨硬婦人五心發熱用花同乾荷葉赤芍藥等分爲末白湯每服二錢

水仙有凌波之名俗呼爲金盞銀臺單瓣者佳五月初旬起根小便浸之逾月取出懸近灶烟處至八九月間純用猪糞拌土植之灌園史云和土晒暖半月方種覆以肥土霜降後遮護霜雪仍留南向小戶天暖即開晒之黃山谷詩云何時持土紫宸殿乞與宮梅尤等差其見重如此凡花忌水鹹惟梅花水仙挿瓶用鹽無妨便民圖總曰六月不在土七月不在房栽向東籬下寒花朵朵香

蓮花催生用花一瓣寫人字吞之。天泡塘用蓮蓬殼燒存性并泥調塗。凍脚裂折蒸熟藕搗塗。

蓮花種色甚夥有分枝蓮睡蓮金蓮夜舒蓮碧蓮十丈蓮黃蓮藕合蓮四季蓮惟鈞仙池分香蓮爲冠大約白者香而藕勝紅者艷而蓮勝種法驚蟄後先取田泥築實缸底後將河泥平鋪其上日晒開裂兩則蓋之直至春分將秧分種枝頭向南壟好勿露夏日酷烈勿令水乾冬天凍結宜遮稻草一說藕根下畧搵硫黃少許

漆膏作
廢用乾
荷葉煎
湯洗之



種盆蓮法將乾黑蓮實裝入卵殼中令雞母同抱候子雞出取天
門冬搗末和泥安置盆內收蓮實種之花開如錢養花法瓶貯溫
湯以紙蒙之削尖花枝隨手急揮

罌粟

斤石發動飲食不下
用子和竹漉作食

罌粟者麗春別種也種具數色宜中秋夜或重九日裸形種之兩
手交換撒子復以竹帚掃勻則花重臺而千葉須先糞地肥鬆後
以黑汁拌撒以泥蓋之可免蟻食苗出後始澆清糞長則以竹篾
扶之若土瘦種遲變為單葉矣單葉者子必滿取其清味蘇子由
居潁川家貧不能辨肉每夏秋之交菘芥未成則盤中索然或教
種罌粟決明以補其匱作詩云築室城西中有圖書窗戶之餘松
竹扶疎接棘開畦以毓嘉蔬畦夫告予罌粟可儲罌小如罌粟細
如粟與麥借種與稔皆熟苗堪春菜實比秋穀研作牛乳烹鉢佛

粥老人氣衰飲食無幾食肉不消食菜寡味柳澁石為剪以蜜水
便口利喉調養肺胃三年杜門莫造往還幽人衲僧相對志言飲
之一杯大笑忻然我來潁川如遊廬山

麗春

黃疽用根搗汁一盞空心頓溫服須臾即行三
兩次其疾立已一劑不痊隔七日再一劑永痊

叢生莖葉實皆似罌粟而莖有毛一本數十花又名蝴蝶蒲園春
鎮江呼為百般嬌吳俗呼為虞美人蓋罌粟之別種也一云此花
不可移一移遂成單葉

剪春羅

火帶瘡透腰上者採
花或葉搗爛塗之

剪春羅一名碎剪羅五月開花雄黃色花瓣類剪力痕每葉一花
○剪秋紗一名漢官秋八九月開花深紅色亦如刀剪之狀喜陰
忌糞肥土種清水澆

鳳仙

各急性子婦人難產催生用子二錢研末水服
勿近牙齒外以蓖麻子隨年數搗塗足心即下

用白鳳
花帶根

葉搗膏
抹其眼
四角汁
出即愈

一名金鳳花形宛如飛鳳故名春間撒子五月開花至秋子落復出又有花遇霜而槁有淺深紅紫洒金純白六七餘品又有單葉重葉之異

葵花小便血淋葵花根二錢車前子一錢水煮日服之即愈

蜀葵花似木槿而大八月下種十月移栽明年四月始花有深紅淺紅有紫有白若挿瓶中以紙塞口則不憔悴秋葵與蜀葵別種葉尖多缺如龍爪花蜜色紫心五瓣而側朝開午收暮落結角六稜有毛子如芥菜子難產催生之聖藥錦葵即荆葵也稍矮而叢生花大如五銖錢止有粉間深紅一色一種向日葵花大如碗其心向陽故名又一種比蜀葵一名山茶即芭也春間移種

百合陰毒傷寒用百合煮濃汁服一升天泡焙生百合搗塗白者可用


根小者如蒜大者如碗數十片相累如白蓮花故名百合言百片合成也有一種白者極香花重常傾側名天香中有種心花色初青黃後純白百合之最上乘也又一種名麝香其花葉與天香相似但短而繁又一種如萱花紅斑而小者名曰虎皮百合不香法於二月取根大者畦種如種蒜法壅以雞糞或云移在開花時則來年復有花一種山丹又名渥丹花深紅色亦百合之類

金盞治腸痔下血不止煮食之甚良

花如小盞與單葉水仙同故名金盞葉淺綠花金紅色八月中下種即出臘月開花至春尤盛四時相繼不絕又名常春花結子彎長與諸卉迥異子落自出不必分栽

萱草食之歡樂無憂輕身明目。大便後血萱草根同生姜油炒酒衝服之。

一名忘憂一名宜男鹿食九種解毒之草萱乃其一又名鹿葱春間種植畦中一年後即稠黃花菜即萱花也花六出朝開暮焉至



秋深乃盡今北地所收紅花菜名石榴紅又一種金萱五月初開
花花小而香鵝黃色名麝香萱

金錢 銀錢附

一名子午花午開子落吳人呼為夜落金錢又名川蜀葵花在葉
間類黃蜀葵而小故有葵之名花深紅色亦有玉色者高僅尺許
三月下子俟長二寸扶以小竹七月中開花結黑子玉色者名銀
錢白氏集云能買三村景難供九府輪

雞冠雞冠後下血白雞冠花并子炒煎服五痔肛
腫用雞冠鳳眼草各一兩水二碗煎湯頓洗

清明撒子撒高則高撒低則低盛扇撒之則如團扇散髮撒之則

成瓔珞白者治婦人淋症赤痢用紅花白痢用
白花皆酒煎服可效

雁來紅 十樣錦附

雁來紅俗呼老少年春分下種出後移栽其葉初生時即純紅又

一種葉綠初出時與莧無異秋深秀出新葉紅黃相間者名為十

樣錦周子羽題雁來紅詩云翔雁南來塞草秋未霜紅葉已先愁

綠珠宴罷歸金谷七尺珊瑚夜不收說者以為絕唱

草秋白萼乳庵初起內消用白萼根
搗爛絞汁酒服以渣敷之

一名玉簪花未開時其形如簪潔白如玉清香襲人春初移於肥

土性好水盆石中尤宜含蕊之時納粉少許女子清晨傅面尤能

助粧又一種花葉俱小色淺紫名為紫萼先白萼一月開花不香

蛺蝶花咽喉腫痛用射干根同
山豆根為末吹之如神

即射干其花六出色黃上有紅點中抽一心心外黃鬚三莖繞之

結莢有子葉類萱而扁以花似蝴蝶故名浣花雜志云開花於春

末結子於夏初壅以無灰雞糞然亦不宜久淹八月下子二月種

栽高阜處唐荆川詩云蜀地羅栽就漆園夢始通何言金翅色翻

婦人白
帶曰雞
冠花酒
乾為木
每曰空
心酒服
三錢赤
帶用紅
名



在碧林中未辨道遙影爭矜點綴工採春蜂趨侶啄蕊鳥卸垂易
濕綠多粉難飛詎少風美人笑來撲誤使損芳叢

决明 目赤腫痛頭風熱痛並用决明子炒研
茶調敷兩太陽穴乾則易之一夜即愈

夏初下種苗高四五尺六七月開黃白花秋深結角初出苗及嫩
葉嫩夾皆可食俗名望江南蘇子由云間居九年祿不代耕肉食
不足藜蒸藿羹多求異蔬以備晨烹秋種罌粟春種决明决明明
目功見本草食其花葉亦去煩惱有能益人矧可以飽三嗅不食
笑杜陵老霏雪錄云人家園圃中四旁宜種决明蛇不敢入

紅蕉

種自閩粵中來一名蘭蕉俗名美人蕉花若蘭而色若榴二月下
子冬初放向陽屋內握坑埋之如乾燥潤以冷茶來春取出然種
子不如分根當年即花

石竹 洛陽附


二種相類開亦同時干瓣者名石竹單葉者名洛陽石竹枝葉
若如剪碎者洛陽將開如捲旂以漸舒展八月下子土肥根潤則
變色極多

映山紅 映山紅花小兒宜食之。小兒虛腫史君子
一兩去殼蜜五錢炙盡爲末每食後服一錢

木名山躑躅花似杜鵑稍大單瓣淺色若生蒲山其年豐稔又有
紫粉紅二色以羊尿浸水澆之。史君子夏間開花柔條艷質綽
約如海棠扶以小竹

淡竹葉 去煩熱利小便清
心根能墮胎催生

處處有之三四月生苗紫莖竹葉花如蛾形兩葉如翅碧翠可愛
畫工採其花取汁作畫。秋牡丹嗅之微臭春分移栽九月中先
菊而開單葉紫色有類于菊以葉似牡丹故名



花柳分春 京蓼 金莖 龍膽草

春間分栽宜燥土。○京蓼紅白二種白者為白蘋二月下子。○金莖花態輕盈美人取以助粧。○龍胆草一名陵游花極順

珊瑚

葉如山茶而小夏開白花秋結紅實纒七可愛二三月分栽別有一種雪裡珊瑚蔓生莖有毛秋結子經霜紅如珊瑚

半枝蓮 蛇虺咬傷鳩汁飲之以渣塗于四圍

小草也生陰濕塞墜邊就地引蔓生細葉秋開小花淡紅紫色止有半邊如蓮花狀故名又名急解索。笑靨一名御馬鞭根旁發生春間分栽花細如豆一條干花望之若堆雪

竹葉蘭 破斫斷筋用鼓子花根搗汁凝傷中乃以渣敷之三日一換半月斷筋即續也


一名鈴兒草花似銅鈴隨地有之。掛金燈一名鼓子花其花如拳不放項慢如缸鼓式色微紫昔有狀元佳對云風吹不響鈴兒草雨打無聲鼓子花

紫茉莉 錦荔枝 觀音蓮

一名狀元紅春間不子花紫葉繁早開午收三日後結子。錦荔枝蔓生紅黃色狀似荔枝故名瓢如血塊味雖甜不可啖。○觀音蓮一名早金蓮一名一瓣蓮葉如大芋秋間開白花止一大瓣如蓮蓮葉中花葉頗類佛像故名

瞿麥 子死腹中數日產不下以瞿麥煮濃汁服之即下

一名太蘭一名天菊葉似初生竹葉而細莖有節稍間開花有紅白紫赤各種正月下子或分栽。○鐵線蓮一名番蓮喜燥地。○珠廉一名珍珠佩春間分栽。○青鳶一名紫鳶春間分種冬藏向陽之處時以冷茶潤其根



滴滴金 中風墜帶用花洗淨焙乾煉密爲梧子大衣臥茶湯下止丸七九十九

一名旋覆花葉如柳花附莖而生如單葉菊而色黃其花上露滴地卽生最易茂。蒿菊一名茼蒿八九月下子至春採食花如單瓣甘菊深黃色一花結子近百

素馨 黃馨 繅絲 羊躑躅 金鍾 九龍 天棘

風虫牙 疾用羊 躑躅一 錢草烏 頭二錢 半爲末 化蠟丸 豆大線 之一丸 咬包一 丸咬之

一名六月雪喜殘茶春間分種或黃梅時扞。黃馨一名黃茉莉花極繁盛種法與素馨同。繅絲一名刺桐柔條白花。羊躑躅有紅黃各種宜山地。金鍾騰月春初插地卽活。九龍春間或黃梅時移栽。天棘一名萬歲藤葉如綠絲

紫草 卽紫果家園常種只可摘葉供養餘無所取

蔓生附小竹引上葉圓而肥滑嫩時可食和蟹肉同煮其味尤美七八月生果蕃衍熟時汁可染物色甚紫但易離耳經霜子墮地向春自出移栽肥地卽活

曼倩花

一名諸葛菜秋間撒子性喜霜春初移栽亦可花之狀似菜花而紫色莢長子多相傳孔明行軍令士卒隨地栽之人馬俱食

一至花


枝柔葉細花耐久開于夏至歛于冬至故名浣花雜志云性易栽好潔惡糞熟豆壅之則茂

金燈

花開一簇五朵金燈深紅銀燈蜜色獨莖透上卽開花太倉志云金燈俗呼忽地笑穿山甚廣重九登高燦若丹霞亦奇草也

虎耳 痔瘡腫痛陰乾燒烟橋中熏之。盧皮搗酒服。停耳搗汁滴之。

俗呼金絲荷葉蓋其葉類荷而有金絲繚繞故名三四月間開白



花小孩耳病取汁少許滴入耳中即愈浣花雜志云春初栽于花
砌間陰處常以河水澆之即活性喜濕乾久則稿

含笑 玉簇 番椒 高良姜

出粵中花似蘭而開不滿足若含笑之狀○玉簇出閩中冬初藏

向陽室內土燥畧酒殘茶仲春取出○番椒叢生花似禿筆頭紅

如血味辣可充花椒用○高良姜一名紫羅攔俗名墻頭草花紫

色○佛頭青一名三醉

僧鞋菊 萬壽菊 五九菊

苗如蒿艾開花碧色狀如僧鞋故名○萬壽菊春間下子宜肥○

五九菊五月九月開花故名○波斯菊一名番菊花茶褐色氣味

甚惡畏裂日○金鈴菊一名佛頭金

寶相

花較薔薇朵大而干辦塞心有大紅彩紅二色

枳殼

花細而香聞之破鬱結離傍種之實可入藥

指甲花

生杭之諸山中花如蜜色而香甚用山川土移栽盆中亦可供玩

蓼花 脚氣風癢用花煎 葉煎汁洗之甚良

花開蓓蕾而細長二寸枝枝垂色彩紅可觀惟水邊更多俗名水

紅花

貝母 冷淚昏目貝母一枝胡椒七粒爲末點之 目生翳肉貝母丁香等分爲末乳汁調點

一名商草川浙出者入藥吳地亦產莖葉俱似百合花類鋼鈴淡

綠色花心內紫白色與蘭花心無異昔年同隣叟劉鳳來宿支硎

聞楊姓古塚有此花冒雨而往取有根者植之盆中次年發花無



根者插於水瓶鮮妍不萎勝遊如昨知已云亡為之一慨

地黃

主男子五勞七傷女子傷中胞滿下血去胃中宿食補五臟利耳目久服輕身鮮者尤良

葉如小芥莖有細毛花紅黃色實如小麥粒根如手指曝乾乃黑古人種子今惟種根臘月取地黃切二寸長分畦種之蓋以熟土覆以經冬爛草自春至秋凡五六耘不得鋤本草云二月八月採殊未窮物性也八月殘葉猶在葉中精氣未盡歸根二月新苗已生根中精氣已滋不如正月九月採者妙江浙出者受南方陽氣質性光潤而力微淮慶出者稟北方純陰皮有疙瘩而力大食其葉亦大有益

天門冬

其功與麥冬同赤松子食之齒更細髮復出其始食之在人間三百餘年補益之功莫大

兗州温州出山谷俱生種肥地其根易茂夏秋取根須留一分小者隨即栽之不時上糞耘草

麥門冬

治心腹結氣腹中傷飽五勞七傷安魂定魄冬服明目輕身不老不飢令人肥健有子

一名階前草一名羊韭葉如韭又如莎草四時不萎根葉黃白色似麥而有鬚花如紅蓼實碧圓如珠四月初收根栽肥地每年六月九月十一月三次上糞。鋤夏至前採取

黃精


補中益氣潤心肺益肺胃補五勞七傷久服輕身延年須九蒸九暴食之良

山谷土肥俱有茅山蒿山者良莖類桃枝脆柔一枝單長葉如竹葉略短兩節對生花開似赤豆結實如白黍米陶隱居曰葉不相對者為偏精一云即歲麩偏精不如正精之有效種法與地黃同冬月空根與嫩姜一般又有一種鈎吻即野葛也相似實芽能殺人

五味子

陽事不起用新五味子一斤為末酒方寸七日三服

江北者長分根種當年即旺子種者次年繼旺莫長引上葉似杏



而尖圓花若蓮而黃白結實叢綴不與櫻珠

薏苡 其補益之功不能枚舉宜常服之

出交趾者子最大葉類垂黍花淺黃春間隴內點種霜降後收確去殼取仁色白如糯米可作粥又種圓而殼厚者為菩提子

吳茱萸 冬月感寒吳茱萸五錢煎湯服之取汁酸吐上改吳茱萸一合水三盞煎七分頓服神効

產吳地者入藥故有吳之名枝柔而肥藥長而雛實結子稍頭纍纍成簇而無核春間種高燥處重陽採收陰乾勿使烟薰用時揀去中間黑子王行志云合東種茱萸白陽增年除害

甘菊 治諸風頭眩腫痛除胸中煩熱作枕明目久服輕身耐老延年其葉之功亦同

甘菊莖紫氣味甘陸龜蒙採杞菊春苗以供左右孟案因作杞菊賦常服卻老延年採花去蒂人橙瓢蜜浸沸湯充啖清香解酒穀雨前後分栽摘去長根種不宜密山野間味苦莖青者名曰苦

薏勿用

藿香 暑月吐瀉藿香三錢半滑石一兩丁香五分為末每服二錢米泔調暑熱口臭煎湯頓嗽解

春間下子六七月開花花紫色有薄荷紫蘇二種紫蘇藿香入藥摘青葉炮湯飲之可除霍亂

稀莨草 久瘧痰癘搗汁取吐虎傷搗敷丁瘡腫毒端午收晒乾為末每服半兩熱酒調下出汗

人家園圃中處處有之五月五日七月七日九月九日刈取曝乾九蒸九晒製為丸藥或以釀酒時常服之仙方云長生保命真妙于稀莨草其功不可枚舉

牛膝 勞瘧久不止用牛膝一握生切以水六升煮一升分三服清晨一服未發前一服臨發一服

包衣不出牛膝八兩葵子一合水九升煎三服分三服

葉如夏蘭莖水赤花作穗結實甚細一名百倍一名對節東懷慶出者良雌者節細莖青根短堅脆無力雄者節大莖紫根長柔潤有功二月種肥地秋間採根

藥部



小茴香

辛温下氣利腸治小兒氣脹霍亂嘔吐及腹冷不下食

一名茴香三月中種子仍種商麻幾窠以遮夏日八九月收子陰乾十月碎去枯梢糞土壅根則來春復發分種亦可其番舶八角茴香與中國迥別但氣味同耳

紫草

痘毒以根一錢陳皮五錢葱白三根新汲水煎服小兒白禿用根煎汁塗之

宜種鬆沙地三月採去根取茸煎汁染紫苗生時拔去根旁之草若用鋤恐傷其根耳

五加皮

治疝氣腹痛益氣療疔治平兒三歲不能行及女人陰癢久服補中益精輕身耐老

性喜肥春分移栽秋分後扞亦活清明時取未放葉嫩芽鹽焯燻乾翠色可愛用以點茶皮可釀酒昔有玉屋山人云寧得一肥五加不用金玉滿車

桔梗

治牙疳臭爛用桔梗苗香等分燒研末服之

一名齊薹一名利如有紫白二種春間下子或分栽壅以雞糞。枳殼花細而香聞之破鬱結莖多刺

防風

治男子一切勞劣補中益氣。偏正頭風用防風白芷等分爲末蜜丸彈子大每嚼一丸茶不

葉似青蒿而矮根與蜀葵相類種法與種菜同五月開細白花。心攢聚如蒔蘿子如胡荽苗可食爽口去風

紅花


味辛治腹中惡血及婦人產後敗血又能補血虛補血暈

二月八月十二月皆可種雨後漫撒爬勻如種麻法五月開花。乘露收之曝乾染真紅博物志云張騫得種於西域今處處有之

枸杞

治五內邪氣寒熱頭痛內傷大勞補精不足久服堅筋骨明目安神輕身長壽

二月移栽卽活苗嫩時可食開紫花秋結紅果採取曝乾入藥。堅筋骨補虛勞諺云去家千里勿食枸杞謂能助陽也老本虬曲可愛吳中好事者植盆中爲几案供玩



小兒夜啼黑牽牛一兩水調致臍上卽止

紫花地丁一切瘡腫發背丁瘡腫毒用紫花地丁草白麵和一宿貼之神効

一名箭頭草一名獨行虎處處有之葉似柳而微細夏開紫花結角平地生者起莖溝壑邊生者起蔓又一種夏秋開小白花如鈴兒倒垂微似木香花之葉者此與紫花者相戾紫花治無名諸腫。牽牛有黑白二種黑者碧花白者紫花喜附高樹又有一木二色者名曰黑白江南花

養音蕃滋功侔種植音愛求水陸生生不匱三徙陶朱無往不利集畜牧

養蠶酒後咳嗽用白蠶蚕焙研末每服一錢耳蠶用蚕退紙作然人麝二錢人筆筒燒烟熏之三次

養法有十繭種為先陳志弘云繭之光細緊小者為雄圓慢厚大者為雌開簇時相兼而收七日而蛾生若有拳翅秃眉焦尾赤肚無毛及先出末後生者各揀出不用止留同時出者雌雄相配自

辰至亥方析厥氣乃全生子既足三日後移蛾下連至十八日後

清晨汲井水浴一次浸去蛾之便溺毒氣夏秋於通風處房內連

背相靠鈎掛至十月內捲收於無烟淨屋內頓放臘月八日依法

浴畢用竿高掛于中庭以受日精月華之氣此擇種之法也

蠶未生之前預淨蠶室勿令南風吹地氣蒸蟻生四五日後用炭

火薰煖室中蠶變白色以全于無烟處捲放東方白時將連鋪箔

上俟黑蟻全生和蟻秤連記號分兩多寡此生蟻之法也

蟻生足勻鋪細軟葶草切細桑葉慘于蓐上隨將蠶連翻搭葉上

蟻自下連有不下者以鵝毛輕輕拂下却秤空連便知蠶分兩三


兩蟻可布一箔老可三十箔量葉放蟻慎勿貪多此下蟻之法也

蟻初生將次兩眠蚕屋正要暖蚕母須着單衣可知涼煖自身覺

寒蚕亦寒便添熱火若自身覺熱量去火一眠之後天氣晴明於

女畜全書 卷之二 畜牧

七




已午時間捲起窗薦以過風日至大眠後天氣炎熱却要屋內清涼務須臨時斟酌此涼煖之法也。蚕必晝夜飼若頓數多者早老少者遲老二十五日老一箔可得絲二十五兩二十八日老得絲二十兩若月餘或四十日老止得絲十餘兩葉要均勻若值陰雨天寒用火照箔逼出寒濕之氣然後飼之則蚕體快而無疾候十分眠儘可住食至十分起方可投食若八九分起便投葉飼之到老不齊又多損失停眠至大眠見蚕有黃光便住食此養之法也。蚕住食卽分擡去其燠沙不然則先眠之蚕久在燠底濕熱薰蒸必變爲風蠶擡蚕時不可將蠶推聚若受鬱熱必病損作薄繭眠初起時值烟薰必多黑死食冷露溫葉必成白僵食舊乾熱葉則腹結頭大尾尖倉卒開門暗值賊風必多紅殭若高撒遠撒蚕身與箔相擊後多不旺俱宜防之此分擡之法也。

切極細桑葉微篩不住頓飼一時辰可飼四頓一晝夜飼四十九頓或三十六頓第二日飼至三十頓第三日飼至二十頓凡擡飼宜暖此初飼之法也。

擡飼一晝夜可飼六頓次日可漸加桑葉向黃之時宜極暖此頭眠之法也。

擡飼起齊投食宜薄撒桑一晝夜只可飼四頓次日漸漸加葉此停眠之法也。

候十分起齊投食一晝夜可飼三頓次日七八頓午後天氣晴煖磨菜荳粉白米粉或熟黑豆粉與切下桑葉將溫水拌勻一箔用粉十餘兩却減葉三四分隔一日再如此飼一頓不惟解蚕熱毒抑且絲多而堅勁有色此大眠之法也。二眠起每日再吃十五六頓約四五日卽老上山時候以稻草成



簇布蠶於其上令其作繭七日可摘取長而瑩白者絲細大而晦色青葱者絲粗線絲莫精于南海人緯以蛾口為最上岸次之黃繭為次之繭衣為下蛾口者出蛾之繭也上听者線湯無緒撈出者也繭衣繭外之蒙戎蚕初作繭而營者也自蟻而三眠俱用切葉三眠之後不用切忌油鑊氣煤氣尤忌零陵香蚕室不可用生人入內蠶婦不可食葷食蚕豆方筐縱八尺廣八尺圓箔出蘇州盤門張公橋大率三眠之後一斤分作一筐一筐可得繭八斤為一車絲約重十五六兩養蚕人以筐計凡二十筐備金一兩線絲人以日計每日備金四分或一車六分


養魚 鯉魚孕婦宜食。胎氣不長。鯉魚肉同益者煮汁飲之。

一曰種古法畜鯉魚以其不相食而易長耳今人惟購魚秧沈大江乘潮布網取之初時如針鋒然飼以雞鴨之卵黃或大麥麩屑

鯉魚膽 治喉中 硬咽連 魚多食 發熱發 倉鱸魚 食之令 人肥健

或豆末稍長則鸞池中閩錄云仲春取子於江曰魚苗苗于小池稍長入葦塘曰葦鱸尺許徒之廣池飼以草九月可取。鮒魚食潤而盆首似鯉而身圓又謂之草魚食草易長爾雅翼曰鯉魚食草。曰鯉魚之貴者白露左右始可納池中前一月或後一日皆不育漁人攜於舟若煎炙油氣觸之則目瞎京口錄云巨首細鱗池塘中多畜之。鱸魚出潮泥地仲春輔盈寸者養之秋而盈尺腹背皆肥此魚不食他物惟食泥與百藥無忌吳王論魚以鱸為上京口錄云頭扁而骨軟閩志云目赤身圓口小至冬能擊破自

藏。二曰法地不宜太深太深則水寒而魚難長漚麻即沈遭鴿糞及自糞多而自食之亦沈以圍糞解之。食楊花則病亦以糞解之。魚行遊晝夜不息有洲月環轉則易長。池之旁樹芭蕉則露



子滴而可以解沈。樹棟木則落子池中。可以飽魚。樹葡萄則架于
于上。可以免鳥糞。種芙蓉則叢生岸畔。可以避水獺。池之正北
三面有日魚。必聚焉。浚宜特深。飼草亦宜。北方一日兩番。至冬水
寒。可不食矣。飼魚不可用水草。恐有黑魚。鮎魚等。子在草土大
來能食魚。黑魚。鯉魚也。夜則抑首。戴斗。鮎魚。鱖魚也。即鯢魚也。大
首方口。背青黑。無鱗多涎。

鱖魚食之補虛益氣不宜久食

勸開胃暖中養元良

三日品江海之產有鱖鯉魚。其長丈餘。鼻端有肉骨。兩頰之肉可
以為鮓。京口錄云有二種鱖魚。肉色白。鯉魚肉色黃。類龍而無角。
廣州謂之鱖龍魚。鱖魚惟松江者四腮。巨口細鱗。非江海之產。
則二腮。金谷園記曰。秋仲由海而入江。可以作鱖。京口錄云有二
種。曰脆鱖。曰爛鱖。閩志曰。身有黑文。鱖魚腹下之骨如鋸。可勒。
故名。與石首同時出海。人配乾。謂之勒鱖。鱖魚身廣而口小。鱖

蜈蚣咬傷白齋皮貼之

白魚忌與連全食

鱖與鯉同功

鱖魚補虛勞

細而骨軟出于海。石首魚其色如金。俗名黃魚。海人以水養之。
謂之水鮮。揀花時來。秋而化。鳧炙。穀子曰。石首。鯢也。首有小石。故
名。海族志云。其初出水如龍。鳴。夜視之有光。鹽晒為鱖。則曰白齋。
閩人謂之金鱖。又謂之黃瓜。白魚出于太湖。避暑錄云。梅後十
有五。日人時。白魚最盛。謂之時鯉。白鰻。魚縮項。穹脊細鱗。博腹。其
味腴。其色青白。即魴魚也。古稱漢水槎頭之鰻。太湖中多有之。
銀魚其形纖細。明瑩如銀。長者不過二寸。最細者為之湖團。鱸
殘狀似銀魚。而大。仲春時出于海。清明後。嘯子。鱖魚盛于四月。
鮮白如銀。其味甘美。廣州謂之三鰲魚。鰲魚狹薄而首大。長者
盈尺。其形如刀。俗平為刀鱖。初春出于湖。爾雅云。今之鰲魚也。亦
呼為刀魚。鮓子魚。生而帶子。鰻魚。魚巨口細鱗。肉味鮮美。背
黑。有斑。本草云。劉仙人常食石桂魚。鄉人至今有桂之呼焉。鰻

文富全書 卷之二 畜牧



鮒魚功効最多宜食之

河豚雖美不穩不如不必食之為妙

魚鮒魚也。此魚旅行。鮒者相即鮒者。相附也。至冬味美。鰕虎魚類。土鮒而腮紅。形若虎。善食鰕。俗謂之新婦魚。土鮒魚似黑鯉而短小。附土而行。不似他魚浮水。故名京口。錄云首大而身小。謂之吐鮒。鱗魚其色黃。謂之黃類。針口魚首戴針芒。身長四五寸。土人多取為鮓。河豚魚出于江海。烹調者須去其腹之子。目之精。脊之血。其毒在肝。洗宜潔淨。煮宜極熟。其白名曰西施乳。列八珍內。若有班痕。及獨肝燕見之類。俱當棄之。中其毒者。橄欖湯解之。又有一種班魚。狀似河豚而小。實非同類。食之無害。凡魚嘯子必沿水痕。雖乾涸十年。遇水相生。其長甚易。嘯子時候。以丑月。惟銀魚鱗殘魚。嘯子子永永解。三日即生也。捕魚鰕宜亥日。又宜危日。

養鶴白鶴那一枚與小兒食之能預解痘毒多者令少者令不出。頂血食之能久。

鶴一名仙客。一名胎仙。揚州呂四場產者。其相傳者曰仙鶴。履跡而孕。又云雄鳴上風。雌鳴下風。聲交而孕。歲生數卵。四月雌鶴伏卵。雄鶴往來為衛。見雌起則咏。名見人窺卵則啄破而棄之。鶴生三年頂赤。七年翮具。十年十二時鳴。三十年鳴中律。舞應節。六十年。蓂毛生。泥不能活。一百六十年。雌雄相視而孕。二千六百年。形始定。飲而不食。相胎生。謂鶴之法。隆鼻短口。則少眠。高脚蹠節。則多力。露眼赤睛。則視遠。圓翎亞膺。則體軒。鳳翼雀邊。則善飛。龜背盤腹。則能產。輕前重後。則善舞。洪髀織指。則能行。羽毛皓潔。舉則高而遠。若養以屋。必近水。竹給以料。必備魚。藉若蓄以籠。飼以熟食。則塵濁而乏精采。非鶴俗也。人俗之耳。

養牛

腹中畜積用牛肉四兩切片以風化石灰擦之蒸熟食常食其底自消凡自死病死獨肝等牛皆不可食

牛者農之本。諺云家有一牛。可代七人之力。每日水草不可失時。

胎下狐臭用牛脂和胡粉塗三

次承除

女富八音

音牧

藤瘡用
牛蹄甲
鹿灰桐
油調敷
陽莖生
瘡全方

新草未生之際截斷稻草和以糠豆之類拌勻微温令飽飼之有
草時放牧先令飲水然後食草則腹不脹夏間不觸熱冬間要温
暖忌霜雪勿凍餒相法眼要去角近又要眼大白脉貫童子頸骨
長大後脚股漏並能快便毛欲短密疎者不耐寒角欲細身欲粗
尾稍長大者佳尾稍亂毛拳曲命短勿用相母牛法毛白唇紅多
子乳疎黑無子生時子臥而相向為吉相背子疎一夜下糞三次
一年生一子一夜只一堆三年生一子瘡疫燒蒼未置欄內以鼻
吸香則止牛噎以皂末吹入

養馬 馬肉食之無益有損小兒夜啼馬蹄未敷乳上
食之即止絞腸痧痛欲死馬糞研汁飲之立愈


馬者火畜也其性惡湿利居高燥忌作房于午位仲春放淫順其
性也委春必暗恐其退也盛夏必浸恐傷于暑也季冬必温恐傷
于寒也久步則筋勞久立則骨勞久汗不乾則皮勞汗未燥而飲

飼則氣勞驅馳無節則血勞此五勞宜時加調治喂料須擇新草
筋穀穀豆若熟料用新汲水浸冷方可喂之若熱不宜加熟料飲
以新水一日三次早午晚是也冬月飲水訖亦須騎驟摘卸不宜
常風啞喘毛焦用麻子一升飼之生疥瘡用生胡麻葉搗汁灌之
脊瘡用黃丹敷之傷水先燒亂髮薰兩鼻後用川烏草烏白芷胡
椒猪牙皂角各等分屬香少許為細末用小竹管吹入鼻中加瓜
蒂兼治一切中結病症後騰冷豉葱薑各五兩水五盞煎半盞和
酒灌之尿血用黃芪烏藥芍藥山茵陳地黃堯鈴杷杷葉為末紫
水煎灌之

養猪 猪肉食之令人暴肥盖虛風所致也宜少食為
妙。風狂歌笑用猥猪肉者熟切膽和醬食之

母猪取短喙無柔毛者良喙長則牙多一廂三牙以上則不須畜
以其難肥耳牝者子母不同圈若同圈則喜相聚而不食牝者同

打傷青
腫用漿
猪肉貼
之



圈無害圈不厭小處不厭穢亦須小厩以避雨雪春夏草多隨時放牧糟糠之類當食則與八九月放而少飼有病割去尾尖出血即愈瘡疫以蘿蔔葉飼之

養羊

壯陽補腎用白羊肉半斤切生以蒜薤之三日一度甚妙誤吞蜈蚣刺猪羊血灌之即出

毒飲什草湯即解

羊種以臘月正月生者為上母羊十隻羔羊只用二隻少則不孕多則亂羣羊性惡濕棚棧宜高燥常常掃除糞穢已時放之未時收之二日一飲水緩驅行勿停息春夏早放秋冬晚放食熟物則

腹脹不能轉草以水洗眼及鼻中濃汚令淨再用鹽擦其舌立愈

養雞

辟瘴瘟疫冬至日取赤雄雞佳腊立春日煮熟食至盡百虫入耳雞冠血滴入即出

結死未絕自雞血塗喉下即生

雞種霜降時收形小毛淺脚細短者佳雞栖宜據地為籠籠內著棧可免狐狸之害若焚柳柴小者死大者盲以油和麩捻成指尖大塊日與數十枚食之或以土硫黃研細同飯拌勻喂數日即肥

生雞初到家便以淨溫水洗其足放之自然不走

養鵝鴨

白鵝無毒蒼鵝有毒多食發病噎食病用白鵝尾毛燒灰每服一錢米湯下

相雌鵝鴨其頭欲小口內乾有小珠五者生卵多三者為次大率

鵝三雌一雄鴨五雌一雄生卵則收置煖處以柔草覆之令母雞

代哺雛出先以糙米磨粉切苦菜蔓菁拌勻喂之沃以清水濁則

有泥恐小鵝寒鼻孔則死入水不宜停久宜驅高處喂細草令

寢處籠中今月之後乃出籠鵝惟食五穀稗子及青草嫩菜不食

生蟲鴨則驢所不食也鳴鴨無令雜雄常令食足一鴨可生百卵

每年五月五日不得放栖只乾喂不可與水則日日生卵


蜜蜂

難產橫生用蜂蜜真麻油各半碗煎減半服之立下誤吞銅錢陳蜜二升服之可出

菜花盛時於古穴山野間收取或編荆圍或造木匣兩頭泥封開

一二小窠使通出入另門一小開時時開却掃除令淨不使他物

熱油燙痛白蜜塗之




所侵相近簷下去蜘蛛網及防山蜂土蜂蠹蝕九十月間天氣漸寒百花已盡宜留蜂冬月所食之蜜餘者割取作蜜蠟春三月掃除仍如前法養久蜂盛一窠止留一王遇蜂王分窠羣蜂來輔飛出用碎土撒而收之別置一筒並忌火日割蜜法先照蜂窠樣式再做方匣一二層抽去底板將方匣接放安置仍以底板襯之令蜂做窠牌子于下停數日乘夜蜂伏而不動之時用刀割取或用繩細勒斷却封其窠然後以蜜牌子用新生布濾淨磁器盛之瀘存窠潛入鍋內慢火熬煎候融化扭出渣再熬用錫鏟或瓦分先盛冷水次傾蠟在內以蠟盡為度陰陽變化論云蜂每歲三四月生黑色蜂名曰將蜂又名相蜂老王乃相蜂所生也和蜂不能採花但能釀蜜若無此蜂不能成窠至七八月間相蜂盡死相蜂不死則羣蜂飢俗云相蜂進冬羣蜂必空蜂王如小指不螫人蜂

無王則死有二王即分分時乃老王潛位而出均望其半未嘗多寡從王出者不復回飛止必環衛其王皆有隊位行列採花時一半守房一半挨次差撥花少者受罰每日必三朝汝南圃史云蜜蜂採他花俱用雙足扶二珠惟採蘭花則但皆負一珠以此頂獻蜂王古人謂蜂有君臣之義信然哉

養貓

對口毒瘡貓頭骨燒存性研末每服五錢酒下鼠咬成瘡貓糞採之即愈

辟鼠之貓不待聲喊鼠自遁藏相法純黃純白純黑者佳身上有花四足及尾俱花謂之纏得過亦佳口中三坎捉一季五坎捉二季七坎捉三季九坎捉四季耳薄者不畏寒訣曰露瓜能翻瓦腰長會走家面長雞種絕尾大懶如蛇有病烏藥投水灌之踏傷蘇木煎湯療之煨火疲痺將硫黃少許納猪腸中煮熟喂之。凡納畜宜用龍虎日正月巳日二月亥日三月午日四月子日五月未



日六月丑日。七月申日。八月寅日。九月酉日。十月卯日。十一月戌日。十二月寅日。是也。

耕種吉凶宜忌

耕田吉日

乙丑	巳巳	庚午	辛未	癸酉	乙亥	丁丑	戊寅
辛巳	壬午	乙酉	丙戌	丁亥	巳丑	辛卯	癸巳
甲午	巳亥	辛丑	壬寅	甲辰	乙巳	丙午	巳酉
癸丑	甲寅	丁巳	巳未	庚申	辛酉		

耕田凶日

月大忌 初六 二十二 二十三

月小忌 初八 十一 十二 十七 十九 二十七

燒田吉日

巳未

燒田凶日

火隔此日亦忌 燒山炭

壠田吉日

用火為吉如丙寅丁卯甲戌乙亥之類

壠田忌土鬼有九日

癸巳 甲午 乙酉 辛丑 壬寅 巳酉 庚戌 丁巳

戊午

浸穀種吉日


甲戌 乙亥 壬午 乙酉 壬辰 乙卯

下秧吉日

辛未 癸酉 壬午 癸未 甲午 甲辰 乙巳 丙午

耕種吉凶

三



丁未 戊申 巳酉 乙卯 辛酉 巳亥 乙未

種秧吉日

甲子 乙丑 丁卯 巳巳 癸酉 乙亥 丙子 巳卯
庚辰 辛未 甲申 乙酉 巳丑 辛卯 癸巳 乙未
丙申 戊戌 巳亥 庚申 辛丑 壬寅 癸卯 丙午
戊申 巳酉 癸丑 戊午 巳未 庚申 辛酉 癸亥

種五穀總忌

丁亥

種麥吉日

庚午 辛未 辛巳 庚戌 庚子 辛卯

八月三卯日種麥為上

種麥忌日

十二月丁日

種粟吉日

丁巳 巳卯 乙卯 巳未 辛卯

三月三卯日種粟為上

種豆吉日

甲子 乙丑 壬申 丙子 戊寅 壬午 壬寅

六月三卯日種豆為上又六月戌日為忌


種黍吉日

戊戌 巳亥 庚子 庚申 壬申

種蕎麥吉日

甲子 壬申 辛巳 壬午 癸未

種麻吉日



巳亥 戊申 壬申 甲申 辛亥 庚申

正月三卯日種麻爲上

變吉日

九月 甲子 丙寅 庚午 辛未 壬申 丙子 辛巳

癸未 甲申 癸巳 甲午 丙申 巳亥 庚子 丙午

戊申 丁巳 巳未 庚申 壬戌 癸亥

十月 甲子 乙丑 丁卯 庚午 壬申 癸酉 丙子

丁丑 巳卯 壬午 癸未 甲申 戊子 巳丑 辛卯

乙未 戊戌 巳亥 庚子 癸卯 丙午 壬子 丙寅

乙卯 巳未 庚申 壬戌

十月 甲子 乙丑 丁卯 庚午 壬申 癸酉 甲戌 丙子

甲申 巳丑 丁酉 壬寅 癸卯 甲辰 癸丑 甲寅

辛酉 壬戌

變忌日

年月執破二辰

變坐向忌方

年月執破二方

穀米入蒼吉日

庚午 甲戌 乙亥 丙子 巳卯 辛巳 壬子 癸未


巳酉 戊子 巳丑 庚寅 乙未 壬寅 癸卯 甲辰

乙酉 丙辰 癸亥

典田買田佃田吉日

開瀆成收及黃道日

典田買田佃田凶日



皮巳及赤口日

田家通忌

田祖即神農甲寅死 田主乙巳死辛亥葬

田父丁亥死丁未葬 田母丙戌死丁亥葬

田夫丁亥死辛亥葬 以上諸日並忌開田種作耕耘

后稷癸巳死是日專忌播種凡九穀不避忌必多傷敗

種菜吉日

壬戌 辛卯 戊寅 庚寅

種菜凶日

秋社前逢庚日 秋社後逢巳日

種瓜吉日

甲子 乙丑 庚子 壬寅 乙卯 辛巳

種葱吉日

甲子 辛未 巳卯 甲申 辛巳 辛卯

種蒜吉日

戊辰 辛未 丙子 辛巳 壬辰 癸巳 辛丑 戊申

種芋吉日


庚子 壬戌 壬申 辛巳 壬午 辛卯 戊申

種薑吉日

甲子 乙丑 辛未 壬申 壬午 癸巳 辛卯

種果吉日

丙子 戊寅 巳卯 壬午 癸未 巳丑 辛卯 戊戌
庚子 壬子 癸丑 戊午 己未 巳亥 丙午 丁未
乙卯 戊申 巳巳



種樹吉日

甲戌 丙子 丁丑 巳卯 癸未

種樹凶日

丙戌 壬戌 又云乙日不栽木

種花果飛蟲不食日

成滿天倉生悉黃道豐旺等日 又每月己亥甲午癸未日

種花果避蛙

甲子旬中乙丑日蛙 甲戌旬中巳卯日蛙

甲申旬中無蛙日 甲午旬中前五日蛙

甲辰旬後五日蛙 甲寅旬中無蛙日

田家曆

正月

監籬落 糞田 開荒 修蠶屋 織蚕箔 造桑机 造麻鞋

春米 築墻

二月

栽柳 舒葡萄上架 解栗裹縛 去石榴裹縛 寒食前後收

柴灰 造布 浣冬衣 採桑蝶蛸

三月

利溝瀆 葺垣墻 治屋室以待霖雨 脫擊 移茄子 造酪

四月

收蔓菁芥蘿蔔等子 收乾椹子 鋤葱 收乾笋藏笋

此月伐木不蛙 修防堤開水竇 正屋漏以脩暴雨


五月

灰藏毛羽物 收蚕種豌豆蜀芥胡葵子

田家曆

田家曆

巳



六月

命女工織細絹 收芥子 收花藥子 收李核便種 收苜蓿
 收槐花曝乾 斫竹此月及八月不蛀 漚麻 晒瓊褥書裝 種小蒜
 種蘿蔔

七月

收楮子 浣故衣製新衣作夾衣以備秋涼 刈蒿草 種蜀芥
 分薙 漚晚麻 耕菜地 收荷葉陰乾 收瓜蒂 收蒺藜

八月

收薏苡 收角蒿 收菲花 收胡桃 收栗子 開蜜
 收油麻秣豇豆 脩冬衣 刈莞草

九月

收豕 收皂角 貯麻子油 採菊花 收木瓜

十月

築垣墻墼北戶 縛薦 遮掩牛馬屋 收槐實梓實 收牛膝
 地黃 造牛衣 盤瘞葡萄包裹栗樹石榴樹凍死不即 收諸般
 穀種大小豆種

十一月


貨新柴綿絮 伐木作竹箭此月堅成 造什物農具 折麻放
 麻 刈蒿棘 貯年支草于隙地至六月及秋霖時俱倍利

十二月

造車 貯雪水 收臈糟 糞地 刈棘屯牆 造農器 收羔
 種 收牛糞 每月栽種書

正月

每月栽種書



元旦雞鳴以火照菜果無蟲○辰日將斧駁斫樹則結子不落○此月栽樹為上時○以甄石放李樹岐枝多結子○凡栽果上半月栽者多結子南風火日不可栽○下茄瓜天蘿子薏苡仁諸般花草扞楊柳木香長春佛見笑薔薇石榴梔子種松桑榆柳栗葱葵韭麻椒牛旁子竹宜初二日種樹木宜上旬○下綿花苦賣山藥冬瓜接諸般花宜三十日○移諸般花果樹以上升種時並忌南風火日○鋤芸麥宜用此月過則失時○修果木去低小亂枝條勿令分力

二月

此月丙申埋諸般樹條則活○下麻子山藥○扞芙蓉石榴木槿○種槐茶萹薤木瓜桐樹尖明百合胡麻黃精竹茄瓜枸杞萱草蒼米鳳仙芭蕉地栗蒿苣茨菇生菜芋宜雨後南廬王瓜東瓜○

宜下蘿蔔烏頭豌豆甘蔗茱萸○移玉簪石菊山茶山丹桃李梅棗柑柿諸般花果俱忌南風火日○種椒種茶○厭桑條

三月


種菜豆山藥王瓜早芝麻瓠瓠胡蘆梔子地黃靛青細瓜甜瓜匾豆芋紫蘇黃獨葶薺木棉麻子菱○移椒茄秧芍藥百合剪金菱白枸杞蒲○梔子帶花移則活梅雨宜扞接梅杏豇豆收薺菜花

四月

此月伐木不蛙○下芝麻○種夏蘿蔔耘菜椒菘大豆紫蘇晚王瓜葵連菜豆白苧枇杷荷根麻○扞梔子茶糜木香○收蘿蔔子蚕豆葱子

五月

下夏菘菜○種晚大豆菖蒲晚小豆香菜桃杏梅核○種竹斬桑



○收菜子。大蒜。紅花。槐花。小麥。靛青。蒼耳。罌粟。蘿蔔。子。苧麻。收蚕種。○浸蚕種

六月

種小蒜。冬。葱。葫蘆。早。蘿蔔。晚。越。瓜。油。麻。夏。菘。菜。○收。椒。紫。蘇。斫。苧。麻。○澆。甘。蔗。柑。橘。橙。○鋤。竹。園。地。苧。麻。地。

七月

種小蒜。葱。蒿。菜。蘿蔔。赤。豆。薑。薑。青。早。菜。麥。胡。蘿蔔。菠。菜。芥。菜。○收。藏。椒。紫。蘇。瓜。芙蓉。葉。

八月

種大。蒜。蔞。粟。寒。豆。生。菜。苦。蕒。苧。麻。諸。般。菜。葱。子。大。麥。牡。丹。芍。藥。韭。子。麗。春。紅。花。椒。諸。色。菜。子。○移。早。梅。木。犀。橙。橘。柑。杷。木。香。○分。壯。丹。芍。藥。根。并。諸。色。花。果。○鋤。竹。園。地。

九月

種。椒。茱。萸。地。黃。蚕。豆。柿。蒜。芥。菜。藏。矮。黃。菜。○移。山。茶。蠟。梅。雜。果。木。

十月

種大。小。豆。春。菜。生。菜。蘿蔔。諸。色。菜。○接。花。果。壓。桑。條。澆。灌。花。木。○收。茶。子。山。藥。子。桑。葉。芋。頭。冬。瓜。

十一月

種小。麥。油。菜。蒿。苣。桑。羅。蔔。種。○移。松。柏。檜。接。木。夾。籬。澆。菜。伐。竹。木。收。藏。○龜。芙。蓉。條。


十二月

種。菊。松。花。樹。桑。大。麥。○扞。柳。○壓。桑。條。壓。果。樹。○添。桑。土。○墩。牡。丹。皮。○浴。蚕。種。

重訂增補陶朱公致富前書卷之二終

特 7
482





国立国会図書館

タイトル『重訂増補陶朱公致富全書4巻』 請求記号 特7-482

ガラス使用